



ATASSUT

UPA14/103-1

Gerhardt Petersen

07.05.2014

Pisortat inissiaataannik attartortut inissiat pitsaassusaat aallaavigalugu, immikkoortorta qarfiit aningaasaqarnerannut ajorseriaataannngitsumik, attartornermut akiliuteqartalersinnaanerannut periarfissat misissoqqullugit kiisalu misissuinermi ilanngullugu attartornermut akiliutit attartortullu akiliisinnaassusaat eqqarsaatigalugit ineqarnermut tappiissutit naapertuunneersut misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Kristian Jeremiassen, Siumut)

Siumut sinnerlugu Inatsisartuni ilaasortaq Kristian Jeremiassen matumani siunnersuuteqarpoq inissiat pitsaassusaat aallaavigalugu attartornermut akiliutit nikerartinneqarsinnaanerat misissorneqaqqullugu.

ATASSUT-mit assut pingaartipparput pisortat inissianik attartortitsisarnerat attartortut akilersinnaasaannik aallaaveqartinneqassasut, taamaammallu assut naammagisimaakkatsinnik Ineqarnermut Naalakkersuisup sulinermini tamanna timitalerniarlugu tamaviaarluni sulivoq, qularutigineqassanngilarlu sulinermit tassunga ATASSUT tapersersuilluinnarmat.

Matumani siunnersuuteqartup inissiat pitsaassusaat aallaavigalugu attartornermut akiliuteqartoqartalernissamik misissuequsinera ATASSUT-mit isumaqatigaarput, ilisimaneqarpormi inissiat pisoqalinikuugaluaqisut aserfallatsaaliorneqarnerallu amerlasuutigut naammaginannngitsumik ingerlanneqarsimasaraluartoq akigitinneqartut qaffasissorujussuusinnaasartut, taamammat siunnersuut tunngavigalugu misissuisoqarnissaa pissusissamisuuginnassasoq ATASSUT-mit naliliivugut.

Piffissami matumani ineqarnermut tunngatillugu iluarsartuusseqqinneq annertoq ingerlanneqarpoq, ATASSUT-millu iluarisimaarparput tassunga tunngatillugu siunnersuuteqartup matumani siunertarisaata sulianut ilanngunneqarnissaanut Naalakkersuisut piumassuseqarmata.



ATASSUT INATSISARTUNI

Taamatut naatsumik oqaaseqaateqarluta ATASSUT-mit inassutigissavarput siunnersuut akuersaartumik suliarineqassasoq aappassaaneerreqartinnagulu Sanaartornermut Ataatsimiititaliamut suliassanngortinneqassasoq.